



Inatsisartunut ilaasortaq Kim Kielsen, Siumut

Inuusuttunut 25-t inorlugit ukiulinnut suliffissanik qularnaarineq pillugu § 37 tunn-gavigalugu apeqquteqaammut akissutissamut missiliuut

8. februar 2012
Sagsnr.
Dok. Nr.

Asasara Kim Kielsen

Inuusuttunut 25-t inorlugit ukiulinnut suliffissanik qularnaarineq pillugu apeqquteqaatin-nut qujanaq. Akissuterput imaappoq:

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqquut 1

Kalaallit Nunaanni inuusuttunut 25-t inorlugit ukiulinnut suliffissanik qularnaari-nissaq Naalakkersuisut siunniuppaat?

Maannangaaq nunatsinni inuusuttunut tamanut 25-t inorlugit ukiulinnut suliffissanik qu-larnaarinissaq pillugu Naalakkersuisut pilersaaruteqanngillat.

Inuusuttunut 25-t inorlugit ukiulinnut Naalakkersuisuni suleriaaseraarput piginnanngor-sarneqarlutillu ilinniartinneqassasut, taamaalilluni inuiaqatigiinni suliffinnik inuttaqanngit-sunik tigusinissaminnut piareersimaniassammata. Inuussutissarsiutini tamangajanni su-lisussanik ilinniarsimasunik nunatsinni amigaateqarpugut. Tamannarpiarlu peqquiti-galugu ilinniartitaaneq Naalakkersuisut qitiutittuassavaat.

Inuusuttut meqqat atuarfiannit ilinniagaqalernermet suliffissaqalernermet ikaar-saariarnerisa aallunnissaat pillugu Naalakkersuisut isumaqataapput. Tamatumunnga atatillugu Naalakkersuisut ilisimatitsissutigisinnaavaat, sammisami suliniutinik nutaanik arlalinnik pilersaaruteqartoqartoq:

Siullertut kommunit suleqatigalugit suleriaatsinik Naalakkersuisut aallartitsisimapput, inuusuttuaqqat 15-18-inik ukiullit meeqqat atuarfiannit ilinniagaqarnermet suliffissaqar-nissamullu qulakkeerinniffiqineqarnissaat malitseqartinneqassaaq. Inuusuttuaqqat me-eqqat atuarfiannit naammassereermerinni ilinniarnermik aallartitsisannigitsut allatigul-luunniit suliffissaqartitsiniarnermi sammisaqalersannigitsut ikilisinneqarnissaat suliniutit nutaat siunertaraat.

Aappaatut ilinniarfissat tungaasigut ajornartorsiut pillugu Naalakkersuisut assingusumik suliaqarlutik aallartitsisimapput. Naalakkersuisut sulisitsisut kattuffii suleqatigalugit ilin-niarfissanik amigaateqarnerup annikillisinneqarnissaa imaluunniit taamaatinnissaa pil-lugu periarfissanik nutaanik ujartuupput. Ilaatigut oqallisigineqarpoq:

- Ilinniartitaanernik sivikinnerumaanik qangatut assassorluni sanaartornermi ilinniarfinnut isissutaasinnaasunut inuussutissarsiornermi tunngaviusumik ilinniartitaanerit pilersinner-isigut naammassisinnaasat annertusarnissaat qulakkeerneqassasooq,
- branchenut tamakkununga atuarfinnut faglærerinik pissarsiortarnermi atugassariti-taasut pitsanngorsarnissaat qulakkeerneqassasooq,
- suliarinnittussarsiuussisarnerni malittarisassat allanngortinnissaat, taamaaliornikkut sulisitsisut ilinniartoqalernissaminnut kajuminnerulersillugit
- minnerunngitsumillu pisortat sammisaqarfiini ilinniartut amerlassusiisa qaffatsinneqar-nissaat.

Piffissami qaninnerusumik suliniutit suut atuutsinneqalissanersut Naalakkersuisut aalangiutissavaat.

Apeqquut 2

Inuusuttut 25-t inorlugit ukiullit inuusuttuuneranni suliffeqalernissaannut qulakkeerinnittoqarnerani aningaasaqarnikkut katinnerisa suut kingunerissavaat?

Inuusuttut 25-t inorlugit ukiullit suliffissaqartinnissaannut qulakkeerinninnissaq pillugu aningaasaqarnikkut qanoq kinguneqassanersoq naatsorsuusifigineqarsimangilaq, inuusuttut ilinniagaqarnissaat Naalakkersuisut suleriaaserimmassuk.

Inuusuttut 25-t inorlugit ukiullit suliffissaqartinnissaannut qulakkeerinninnissaq pillugu aningaasaqarnikkut qanoq kinguneqassanersoq naatsorsussallugu ajornakusoorpoq, oqarluannangikkaanni periarfissaqangilaq. Tamatumani eqqarsaatigisassat ilisiman-eqangitsut amerlavallaqaat. Taama qulakkeerinnittoqassappat, assersuutigalugu sulisitsisut inunnik atorfissaqartitaminnik atorfinitsitsinissaannut pisussaaffilerlugit in-erisarneqassava? Taamattaq annilaanngatigineqarsinnaavoq, inuusuttut ilinni-agaqalernissaminnik imminnut pisussaatilissasut, qanorluunniit ikkaluarpat sammisa-saqartitsiniarnikkut suliffissaminnik neqeroorfigineqassagamik.

Apeqquut 3.

Inuusuttut 25-t inorlugit ukiullit suliffissaqartinnissaannut qulakkeerinninnissaq piviusunngortinneqassappat kingunissaat ataatsimut isigalugit qanoq issappat?

Akissut 2 takujuk, immikkoortoq siulleq.

Apeqquut 4.

Inuusuttut suliffeqannginnerat akiorniarlugu, taamallu suliffeqarnermik sammisa-qartut nunarsuarmioqatigiinni unamminartut naammassiniarlugit nunani avannar-lerni naalakkersuisut nunani avannarlerni ataatsimoorussamik suliniutinik ineri-saanissaannut Nunani Avannarlerni Siunnersuisooqatigiit inassutigisaat pillugu Naalakkersuisut peqataanissartik pillugu qanoq iliulersaarpat?

Inuusuttut suliffeqannginnerat akiorniarlugu, taamallu suliffeqarnermik sammisallit nu-narsuarmioqatigiinni unamillersinnaanissaq piareersimaffiginiarlugu nunani avannar-lerni ataatsimoorussamik periuseqarnissaq qanoq Nunani Avannarlerni Siunnersuisoo-qatigiit qanoq siunnersuuteqassamaarnersut Naalakkersuisut utaqqimaarpat.

Aammattaarli erseqqissaatigissavarput ullumikkut inuusuttunut 25-t inorlugit ukiulinnut amerlasuunik neqeroorutitik periarfissaqarmata. Siullertut Piareersarfiit pigaavut, siun-nersorneqarnermut piginnaanngorsarnermullu ilinniarfiit, inuusuttut ilinnialernissamut ilitsersorsinnaaneqarfigalugillu piginnaanngorsarfigisinnaasaat.

Tamakku saniatigut suliffeqanngitsut piginnaasaviinik nalilersuineq tuulluussaqaatige-riaaserlu suliffissarsiuussisarfinni atuutsilernissaat ingerlapparput, taamaalilluni nammi-neq piginnaasat periarfissallu paasineqarnerulissammata.

Inuusuttuaqqat suliffeqaratik nuanniitsumik inissisimasarnerat Naalakkersuisut eqqar-saatigisorujussuusaraat qularutigineqassanngilaq. Taamaammat inuusuttut inuiaqati-giinni suliffeqanngitsut ikiorsernissaat pillugu unamminartup peqataaffiginissaanut siun-nersuutaasinnaasunut amnavugit, soqutiginninnerillu apeqquutitillu pillugit qutsavigeri-suppatsigit.

Neriuppunga apeqquiti naammattumik akineqartut.

Inussiarnersumik inuulluaqqusillunga

Med venlig hilsen

A handwritten signature in black ink, appearing to be 'Ove Karl Berthelsen', written in a cursive style.

Ove Karl Berthelsen